

Topsfield

I.

Pueis onguan no·m valc estius
ni·l dous tems vertz ni floritz,
ben cove que si? auzitz
mos chantars ar ab la neu;
quar cel que pregu? e non es escoutatz,
deu camjar luec e solatz
e guardar tems et oras avinens
e folejar, quan ve que no·ill val sens.

II.

Ben conosc que drutz mesclius,
fels, engres e deschausitz,
es mais amatz e grazitz
que nos leial, don m?es greu.
E quar ho dic, serai·n ocaizonatz;
mas tans n?i a d?enguanatz
que, si m?en sors peleja ni contens,
be·m meravill, si·ll nostra partz no vens.

III.

Sabetz per qe·m torn esquius
contra las enguanairitz?
Quar de midons soi faiditz
e non sai tort mas lo seu.
Et en aiso tem n?esser encolpatz
que·l tortz sieus sembla vertatz,
c?als sieus bels digz lo mieus dregz par niens;
tant es gaillartz sos bels razonamens!

IV.

Ja de vos no·m partrai vius;
quar sai que tota gens ditz
que·l vostre pretz es complitz
e·ill genser es desotz Deu.
Per tal qu?en fos humils vostra beutatz,
volgra·n fos meins la meitatz;
pueis fora meiller vostre mandamens
que de nuill?autr? e vostre cors plus gens.

V.

Dona, no sui tant autius

qu'encaras, totz escarnitz,
lo coven, qe·m fo mentitz,
no tengues de vos a feu.
Tutz acordiers m'en seria onratz;
mas no vueill que pueis digatz
mieus es lo tortz, quan venra·l partimens,
c'a las autras en penri? espavens.

VI.

Pero leials senhori
lai, ont es plus afortitz,
deu esser miels obezitz,
c'om hi trop merce plus leu.
E si ben soi d'amor apoderatz,
no·n dei esser malmenatz;
quar per dreg er vostres lo faillimens
que res d'aitan no·us pot esser guirens.

VII.

Pastoret, vos, qu'es del conseil privatz,
a Mon Audiart diguatz
que lai, on es cortezia e sens,
deu meillurar guillardit? e jovens.

VIII.

Mantel, vos es lo meiller guarnimens
e·l plus onratz, c'anc formes nuilla gens.

IX.

Bels Mais d'Amic, si be·us m'es malvolens,
de Miraval es vostre·l mandamens.

- letto 419 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/topsfield-34>